

稀見中國地方志彙刊

二九

中國書局

中國科學院圖書館選編

稀見中國地方志彙刊

第二十九冊

中國書局

中國科學院圖書館叢書

蘇聯中國地方志彙刊

稀見中國地方志彙刊

(第二十九冊)

中國科學院圖書館選編

*

中國書店 出版

新華書店首都發行所發行 江蘇金壇縣第二印刷廠印刷

*

787×1092 1/16 印張:67

1992年12月第1版 1992年12月第1次印刷

ISBN 7-80568-224-0/K·58

定價:160元

目
録

[illegible]

金谿縣志原序

鄱縣之有圖志尚矣蓋圖以知山川形勢而志以知古今善敗故成周之制職方氏掌天下之圖小史掌邦國之志外史掌四方之志凡皆達于朝廷而關於政令不特以資學士大夫之汎覽而已至秦郡縣天下兩漢遂有也里郡國志而唐劉十道宋志九域雖皆依倣成周之志而或有志無圖或以圖合志而未嘗領于王官有司率謂非吏議所急設不加省後世欲知夫扼塞戶口官方人物升降沿革之詳亦已難矣金谿爲無之壯邑

頁一

自宋淳化五年割臨川安仁貴溪之地以爲縣地鼎饒信所汝之開山川秀異人物阜蕃風俗淳厚魁傑奇偉之士代有其人若象山陸文安兄弟以道學倡東南其徒傳季鼎劉堯夫繼之而其道大行於天下厥後葛元結曾子白之經術朱元會危太樸之文章鄧粲黃昇之忠義皆取重當時流芳後世可以勵薄俗厚風教如景星威鳳孰不願爭先親之爲快哉及我國朝六合混一萬方會同禮成樂作興道致治庚戌開科取士吳伯宗卽以書經魁江西明年廷試復魁天下士子雖不敏洪

武癸酉亦以書經魁多士從姪則寧永樂辛卯又以書經魁京闈是雖朝廷教化作養之功抑亦山川炳靈之所致也方今皇上以聖繼聖俾天下郡縣纂集志書以備觀覽金谿知縣武昌姚君文或儒學教諭楊君慶同奉命惟謙與邑之儒士戮力一心其纂集也備其考據也精所記人才消長風俗盛衰上可以明教化之得失下可以知治道之隆替古今文章事實沿革之故如指諸掌誠一代之盛典也書成邑之耆士盧義端劉紹綱將壽梓以傳而俾予爲序予是用述其大端如此永樂

頁二

又

十九年歲在辛丑八月初吉前進士邑人徐孟恕書

聖天子嗣大寶位之明年紀元洪熙春三月予奉詔省親南還邑耆老盧義端劉紹綱與邑之士諸子予曰縣志成祈先生序而餞諸梓予不敢辭閱所修志凡建置沿革疆域山川風俗古蹟人物之屬皆準昔太宗文皇帝在御時詔郡縣纂修地志凡例而其中尤加詳焉邑士與諸耆老之用心亦勤矣吾邑地方百里山深水秀習俗淳厚自昔崇尚耕稼士務力學隱者有德操仕者

有政蹟固非止一人而其間獨有可稱道者元死節之臣侍制黃公昂仗義之士鄧烈父子葛氏孝烈二女黃吳二節婦其忠孝節義炳然煥然昭如日月他或未之有也而志則備書之誠足以爲吾邑後世之光序其志而傳之久遠不亦宜乎嗚呼忠孝者立身之大節也士君子之行莫重于此觀是志者無徒覽其山水古蹟賦咏之美尚景仰前哲以忠以孝是則是倣俾士習益淳風俗益厚則志之作豈徒用其心哉敢以是勸夫邑之人亦豈非義端諸耆老之意耶庸書以爲志序若夫纂

廣序三

修之士與董其事者且列其名于志之右茲不復書奉議大夫右春坊大學士兼翰林院侍講學士兼修國史邑人王英時彥書

又

今天下郡邑皆有志志也者所以足文獻徵久遠者也故曰志史之流也宋淳化間始縣金谿由淳化至景定二百六十年而志始作由景定至永樂百三十餘年而志再修永樂以來百三十餘年於茲時則可矣存乎其人是故時者數之基也人者道之與也四會林侯來宰

金谿之明歲是爲嘉靖六年政治化行興舉文事慨邑志久曠銳然欲修之顧予不敏強委重焉予邑人也亦嘗念志之弗修前將就泯後將何徵又念侯不可多遇時不可弗乘乃不辭勉爲役以永樂舊志弘治郡志江西通志大明一統志互訂之參攷諸郡邑志體折衷以古史之法由永樂以前去其不當載者補其不當闕者由永樂以後豐其所當詳者約其所當畧者蓋囊括五百六十二年之事爲類五十有四爲卷九首紀建置重邑始也紀天文而天道明矣紀封域而地道著矣紀政

廣序四

教紀典禮紀儒賢紀忠孝而人道立矣一邑雖小事通天下焉三極之道備而天下之事畢矣茲志所係顧不重歟侯之急于是可謂知本矣侯名初字以復起賢科桐岡先生伯子也先生守吳郡以風節名天下侯之砥礪本諸家學其爲政原于吳聲譽上聞行當有召命予方喜志之成又思侯之不可多遇而懼其去也借爲志序昭侯之烈以告後之人嘉靖六年丁亥冬十二月南禮部祠祭司郎中東石王英時頌書

金谿縣志

目錄

卷一

舊序

凡例

建置沿革

疆域形勝

城池屏宇

文廟學校

壇壝祠廟

山川都圖

陂塘津橋
寺觀附見

風俗

卷二

賦役

兵衛

目錄一

卷三

官師

名宦

卷四

科目

卷五

人物

宋元

卷六

人物

明

卷七

卷八

人物
明

人物
明

卷九

烈女

方外

卷十

藝文

目錄

集文

卷十一

集文

目錄二

卷十二

集詩

卷十三

雜志

災異兵氛

卷一

卷二爲一冊

卷三卷四爲一冊

卷五

卷六卷七爲一冊

卷八卷九卷十爲一冊

卷十一

卷十二卷十三爲一冊

金谿縣志

凡例

一谿自建邑至今凡六百餘年志僅三修宋景定志亡失已久明永樂嘉靖二志猶有存者特當時局於部頒格式瑣碎割裂殊無條貫前失之煩後失之畧過猶不及也今特發凡起例一準史法亦幸時無功令拘束俾得暢所欲言

一凡志必首列星野所以察妖祥示勸戒也然谿爲撫支邑自省會視之何啻斗大自寰宇視之滄海一粒

金谿縣志

卷一

凡例

耳卽南昌全部史遷以爲斗牛王勃以爲翼軫蔡邕以爲斗屬吳越黃庭堅以爲斗屬吳楚紛紛聚訟占候家茫無依據何況荒爾邑乎近山陰姜承烈星野辨曰揚在東而星紀則在北雍在西而鶉首則在南齊魯俱在東而降婁乃在西是驟次之參差可疑也衛在河內與并無涉乃衛不屬豫而屬并魯在山東與徐無涉乃不屬兗而屬徐晉在太原與益無涉乃不屬冀而屬益是州郡之錯互可疑也夫州郡錯互則地與地不合驟次參差則地與天不合夫既不合

如此尚欲泥其書以驗灾祥而决休咎豈有當乎其辨確矣故毅然不書星野以止惑也

一作史莫難於志卽班馬畧而未詳王公宗沐所作江西大志山川賦役可謂核矣陳九川所作撫志邑里井然一切陟塘津梁寺觀卽附見于各都使覽者一目了然可謂達矣今悉遵之與舊志迥異非愚所臆創也

一土產旌異物辨職貢故足述也然木有瘳屨有暈人之所珍物則病焉識者猶或憂之况于無珍可採乎

金谿縣志

卷一

凡例

二

今概不錄

一舊志列傳若干太簡而名宦傳則尤簡今考宋元史采其全傳勒入志中蓋欲志遺愛勸來者不獨紀一時循良且欲盡若生平德業觀感之下寧無裨益

一人物舊多欸目竊恐品題未當位置非人今惟以時代爲次更不分類據事直書觀者自得惟烈女方外另作一編

一志有列傳應如史記漢書排纂事實條列始終撮其大要點綴逸事使風神奕奕呼之可出紙上乃傳志

殊無發揮甚至原有本傳大篇如劉子真鄧秀傳葛元喆鄧石鄧烈傳元史黃昇傳劉三吾周節婦傳反置諸藝文乃另作小傳淡淡數筆讀之索然其視志書不過如俗刻日記故事氏族大全之類鴻裁傑構故外之爲不必錄歟今悉改正有目者當其鑒之一永樂志爲嘉靖志所刪者如危素吳可孫傅瀝等悉爲補入嘉靖以後多所抹輯然亦必有關於人心世道信而可徵者寧勿毋濫庶不負已負人

一略爲忠義理學之鄉代不乏人鼎革時忠臣烈婦亦

既大書特書照耀千古矣然亦有計無復之自經溝瀆濡忍當時窮死事後不敢與從容就義慷慨殉難者同年並語也

一畸人逸事仙梵古跡志所必收然必事可徵詞雅馴者始錄其涉荒唐謬妄淫祠不經之類盡削之

一藝文始自班固有目無篇其散見于列傳如賈誼之策相如之賦因其人以存其文從無另勒詩文之例今畧倣其意唯碑記詩歌無傳可附者各錄爲一冊其餘詩文雖佳自有尚集行世志不勝收且與志無

關者槩不錄

一寺觀碑記題咏之作永樂志備載無遺嘉靖志盡行刊落採其佳者悉爲補入存名作卽以存谿亦昔人紀雒陽名園之遺旨云

一灾異卽古史五行志永樂志所缺本嘉靖志而詳書之

一諸志類用引語剿襲成套數見不鮮嘉靖志毅然削之敬遵其式

一志必有序第古人著述皆後賢追而論之初不以序

爲重也卽馬班自叙僅置之篇末而已今不敢自叙亦不復乞人序惟向年會吳仲升先輩書頗述作志大旨覽者幸互觀之

一修志必統以一邑率參以衆論刻以公費無非示公而已然往往限於時日不能抒其所長消以異同不能竟其一得並以官役不必期于精工今志成于一手刻於私家前數者之患亡矣雖不敢自謂傳書而慘澹經營殊非苟且世有識者聽其索觀否則藏之家塾傳之其人謂是一邑之史可也卽謂是一家之書

亦可也

一脩志始自康熙壬寅訖于康熙壬子每苦文獻無徵聞兄不廣後寓都門數年頗恣流覽兼藉陳子正夫多方蒐討始克成書附紀之不敏沒其勤也

一康熙十一年

朝廷允大學士衛公所請纂脩一統志部行有司各以志上時方守官陽信辭作未及郵寄而谿志已刻成書呈諸院司尋奉駁改撰不幸遭滇黔之變纂脩暫罷谿志亦廢今止以昔年訂正者孤行而已知縣

金谿縣志

卷一

不敢討

康熙壬子十二月望日邑人王有年識

金谿縣志卷一

邑人王有年輯著

建置沿革

金谿縣在撫州府東南按其地禹貢揚州之域春秋屬吳越滅吳屬越楚滅越屬楚秦并楚置郡屬九江漢初改九江為淮南後分淮南置豫章郡領南城等縣後漢永元間分南城西北境立臨汝縣三國吳置臨川郡仍領臨汝等縣晉宋齊梁陳皆因之隋平陳改臨川郡為撫州改臨汝縣為臨川縣後又復臨川郡唐置撫州領金谿縣志

卷一

沿革

臨川等縣實曆間地屬臨川曰上幕鎮鎮東二里白面塢與金谿山銀山並產銀遂置冶後又改臨川郡尋改撫州乾符末危全諷據之五代梁開平三年危全諷為淮南楊隆演所滅撫入于吳晉天福二年南唐取之復為撫州周顯德五年南唐以臨川縣上幕鎮及近鎮歸政一鄉置金谿場舊傳有谿水色如金故名宋太祖開寶八 years 下江南場歸宋太宗淳化五年以臨川縣歸德順德順政合歸政凡四鄉立為金谿縣屬撫州軍景德二年饒州安仁縣延福白馬永和三鄉之民以道里之

便諸官自陳願附谿籍因隸焉凡七鄉後合白馬永和為一凡六鄉元改撫州路縣屬如故至正十二年壬辰縣燬於寇邑人鄧思誠復之至正十九年己亥安仁人王溥據建昌遂併金谿既而陳友諒陷江西溥附友諒至正二十年庚子明太祖時稱吳國公取廣信明年王溥弟偽宣慰漢二寇廣信為守將胡大海所擒遂令漢二招溥會邑人周忠說溥歸明溥遂奉款歸附洪武元年改撫州為府縣屬如故正德七年割白馬永和之四十都四十一都共十八里置東鄉縣餘如故至

金谿縣志

卷一

沿革

二

國朝順治乙酉入版圖

疆域形勝

東西廣一百里南北袤一百一十里東至廣信府貴溪縣界梧樹嶺五十五里西至臨川縣界東漕港四十五里南至建昌府南城縣界韓婆嶺五十里北至饒州府安仁縣界田埠港六十里自割隸東鄉以後北至東鄉縣界貴田四十里東南至南城縣界楓林三十里西南至臨川縣界明山五十里東北至安仁縣界莊坊四十里西北至臨川縣界明珠峯四十里自縣治至府治一

百一十里至江西會城三百里至江南二千三百六十里至京師五千八百五里東到貴溪縣治一百四十里由境上通廣信府七陽縣界八十里西到崇仁縣治百四十里由境上通豐城縣一百三十里南到南城縣治一百二十里由境上通福建邵武府二百八十里北到安仁縣治一百四十里由境上通饒州府二百五十里東南到南城縣界楓林界上通福建將樂縣界一百里東北到安仁縣界莊坊界通饒州府樂平縣界八十里西到臨川縣界明山界通宜黃縣界六十里西北到臨川縣界

金谿縣志

卷一

沿革

三

明珠峯界通臨川縣治七十里

上幕前峙卓筆右拱鶴鶴合聯納考占縣山界處標標八間奇分五嶺

城池縣宇

宋祥符國經縣城周廻二里高五尺為門二曰南門曰北門元廢明洪武初復四門前曰宣化北曰迎恩南曰阜民正北曰朝天後廢弘治十一年分巡僉事沈銳重建嘉靖戊午知縣張喬相改度規模蓋瓦土垣累以堅甃周廻五里北曰拱辰門南曰迎薰門西曰阜城門東

曰協和門先是谿僅子城生員黃文豹倡議呈請巡撫何遷遂俞所請下其議于郡踰年而城完徐善慶記初豹以一人謀始大犯衆怒尋廣寇猝至鄰邑幾破而谿賴以全皆成城力也

本縣治在錦繡谷之陽宋淳化五年縣始立令劉世昌建治紹興十年令張圯復闢民居重建創外門譙樓紹熙五年令王大有建正廳嘉定間令樓鏐重脩元元貞二年縣丞吳瑾脩之程文海記延祐六年令李有增葺至正八年令周自強重脩十二年壬辰兵燬二十四年

金谿縣志

卷一

城也

四

甲辰明太祖卽吳王位縣附明令嚴世傑來知縣事始草創洪武九年丙辰令王公銑始大治之中設正廳後堂堂之後爲內宅廳之左爲丞廳其前爲尉廳右爲簿廳前兩傍爲六房甬道中立戒石亭亭南爲譙樓吏舍在西三房之右獄戶在東三房之左正廳之西則儀仗庫後堂之西則存留倉十七年令錢谷本重脩宣德二年丞孟浦重建正廳成化十六年令張西銘重脩二十一年令黃華重建戒石亭及六房弘治間令方誌復脩穿堂後堂獄戶吏舍土地祠申明旌善亭正德十六年

令畢仲重建洪範記嘉靖二年譙樓六房獄戶皆火令畢仲重建之嘉靖二十一年八月知縣馮元建架閣儲用二庫于穿堂左右嘉靖庚辰令林應麒重脩

國朝順治三年燬于寇僅存丞捕兩廳邑令王顯章創朱竟明年復燬于寇自是寄治民舍十餘載十八年令劉思輯始草創閭閻陸令瑤林張令天顯白令苑如經營數年而後告成

丞廳在縣治東南尊勝寺左簿廳在縣治東北沙井巷俱宋嘉定間令樓鏐建後廢

金谿縣志

卷一

城也

五

尉廳在縣治東北宋咸熙間尉趙時諾重建會淵子記後廢

歸飲亭在尉廳右教場內宋元豐間尉汪邁建會子固記後廢

舊廳不知始于何代所謂歸飲亭之左教場內者亦不可考矣以上各廳今皆徙于縣治內

上司行署曰布政分司在縣治西南城隍廟東按察分司在縣治東卽舊城隍廟址司西南有澄清坊圯廢明嘉靖二十三年知縣馮元重建牌坊曰慈愛府館在

布政分司西

石門驛在縣西南四十里上通丹江下連臨汝橫入崇
宜明正德間火巡撫都御史王守仁分守叅政嚴紘行
縣用罰鍰重建嘉靖間裁革

厚居驛在縣南四十里順政鄉三十都厚居里通建昌

陸道宋祥符間令呂若訥建後廢

稅課局在縣東三十步墟頭巷口宋時爲酒稅務淳化

間知縣事劉世昌建於縣北興國寺是其故址元至元

間徙今所明洪武九年知縣王公統重建弘治十三年

金谿縣志

卷一

縣志

六

裁革正德十六年知縣畢伸將廢址申准賣價建縣廳

說

僧會司寓永福寺道會司寓望仙觀

申明亭旌善亭俱在縣治右今廢

預備倉東四十四都葛坊西十二都土口南二十五都

徐源北三十五都火源明嘉靖癸卯知縣馮元重建賑

惠莊宋寶祐間知縣事游孝博節費買田歲得米一百

五十三石積于望仙觀以備賑濟以上各倉皆廢基地

猶存

淮倉二一在許灣一在省會麥州明萬曆三十九年令

丁天毓江日采簿江順潮市民地鼎建王方伯記

縣教場在尉廳之右宋元豐間尉汪遵建今在北門外

養濟院宋嘉定間建以處老疾無告者名居養院在縣

北臨汝門外明改今名後築城垣圍在北門內今因之

西歸園在居養院傍其地方五十畝宋嘉定間知縣事

張元觀置以處無主者明改教場左今仍舊

舖舍

西北通臨川曰樟樹尖岡楓山唐坊苦竹

金谿縣志

卷一

縣志

七

州凡七舖西南通建昌曰南岳厚居凡二舖東通黃溪

曰青田連洋淳塘凡三舖北通東鄉曰上河淡裏黎墟

凡三舖在縣治前者曰總舖俱明知縣方誌建黃嘉會

重脩每舖設舖司一人主記文書舖兵二人主通文書

每歲以均徭人戶充當

銀科給

以縣吏一人鈐束之吏

後裁

文廟學校

宋皇祐初知縣事劉佐始建學于縣南望仙門外距縣

一里宋紹興十二年知縣事周緯遷于社稷壇右去舊

學三十步二十七年知縣事陳博文復遷社稷壇之南
嘉定二年知縣事王衡仲以地僻非宜遷于晁氏九經
堂故址距縣治五十步衡仲自記明年知縣事棲鏐繼
之內外完備增署宇及四齋曰尊道貴德習是養正十
二年知縣事何處久重建學門增學庠元大德元年縣
丞吳堦重建邑人曾中子記延祐二年尹李有重脩至
正八年尹周自強改作大成殿建彌高亭歐陽玄記十
二年壬辰兵燬惟大成殿存後邑人鄧思誠補作兩廡
講堂門左齋舍明洪武乙卯知縣李子敬葺舊增新脩
金谿縣志 卷一 文廟 八

飭毀宇兩廡前設戟門櫺星門學門重建明倫堂傍列
尊經崇文二室左右兩齋扁曰進德脩業又創神厨神
庫及宰牲房學舍饌室公厨總爲屋三十八楹丙辰知
縣王公統粉飾殿堂門廡及聖賢像位立射圃永樂乙
未教諭楊慶同建興賢門于學前鑿泮池建石橋于其
上鑿井于門外以供祭祀天順初庠生王立植樹木于
學後以培來脈復請王端私地廣其西偏種松萬株請
于知縣徐綺建松圃亭黎淳爲之記成化初教諭汪恕
堯學前通衢十一年分巡僉事陳奇重建戟門兩廡二

十一年知縣潘隆重建大成殿弘治五年知縣方誌建
尊經閣于大成殿東大學士費文憲記弘治十年知縣
張夔易櫺星門以石柱創聚宿亭于學門內正德十五
年分守叅政嚴紘以罰鍰重脩大成殿儀門櫺星門嘉
靖五年知縣林初重建射圃觀德亭及號舍嘉靖二十
二年知縣馮元重建饌堂于學西南萬曆間文廟敝令
樂繼美重脩王方伯記萬曆十九年署縣事推官麥應
中重脩泮橋櫺星門

先師廟在明倫堂之前祀先師孔子東西列四配夫子
金谿縣志 卷一 文廟 九

哲兩廡列七十二子次春秋以來諸儒歲以春秋仲月
上丁日致祭先師用帛一羊一豕一鹿一兔一爵三登
一鉶一簋二簋二籩八豆八醢共用羊一豕一各帛
一爵三登一鉶一簋一籩一簋一籩六豆六十哲共用帛二
豕二各爵一鉶一簋一籩一籩一籩四豆四兩廡共用帛一
豕一每四壇共用爵四簋一籩一籩四豆四凡郡祭必
大合樂今縣祭無樂廟之東稍北曰敬聖祠凡祀先師
則前期行事祭品視十哲明初仍前代制稱孔子大成
至聖文宣王肖像服冕冕祭用籩豆十二舞用八佾四

配以下從祀者並以公侯稱嘉靖庚寅用輔臣張孚敬議去肖像易以木主題曰至聖先師孔子四配曰復聖顏子宗聖曾子述聖子思子亞聖孟子十哲以下曰先賢某子諸儒曰先儒某子別祀孔子父叔梁紇子啟聖祠以四配考從祀削去前代封號蓮豆各損其四樂用六佾今仍之而闕樂舞

名宦祠在東廡前祀宋知縣劉世昌 林大中 王大

有 王衡仲 陳詠之 張 勵 元和縣李 有

周白強 明知縣王公統 孫 宣 張西銘 黃

金谿縣志 卷一 文廟 十

華方誌 詹 萊 臧懋中 崔奇觀 教諭汪

恕 夏 宏

鄉賢祠在西廡前祀宋周 袞 陸九韶 陸九齡

陸九淵 傅子雲 劉堯夫 元劉 傑 葛元喆

張 性 陳 介 王 彰 黃 昇 明吳伯宗

葛元德 王 英 江 勝 徐 璦 吳世忠

王 萱 洪 範 王 堯 黃 匪 吳 悌

陳嘉言 謝 相 王紹元 黃希憲 蘇 曼

陳一夔 吳仁度 張廷相 李日文 蕭良杞

龔廷獻 桂廷芳 李大覺

教諭宅在進德齋左訓導宅一在明倫堂左一在脩業齋後

學倉在祭器庫南歲儲米叁百陸拾石有奇宋學田歲收租米壹百肆拾陸石有奇嘉定寶祐間增至貳百捌拾陸斛有奇錢叁百貳拾柒貫有奇

明天啟間知縣崔奇觀查出公費及廢寺田產益以俸銀置田若干以助諸生鄉試卷資名曰崔助舉附載申文田段租粒于左

金谿縣志 卷一 文廟 上

撫州府金谿縣為置買學田作興庠序以給鄉試卷資事照得卑職濫竽理學之區謬司造就之職視線素短于作人薪樵罔著于費序五載以來寔慚多士誦思齊棧棧之什益增負乘之咎也日久思維靡所報稱查得本縣西偏溪名清江原設渡船榜食脩銀備有成規往來成濟久矣後好義者復為造橋之舉初意甚善而不虞後人因之為利也據化緣募簿載銀壹千五百叁拾兩甫造而為洪流所噬再脩而橋無成費破壹千叁百兩止餘銀幾貳百兩而假允復

金華縣志

卷一

文廟

十一

欲借名蚕食之用是早縣查將餘銀間益之以俸金
買田壹百玖拾貳石五斗又隨勘得尋塘張家塘侵
占之田一併載入價值貳百零壹拾兩九錢五分歲
共租穀貳百玖拾石零四斗起自天啟辛酉科生員
正續科舉共八十三名每名送過租銀貳錢至甲子
年又當鄉比計前三年共租若干除出完糧差外照
上年科舉若干名算該各位卷資幾錢出學之日即
行班送遺才亦如之其田天啟二年大造另立一戶
以催助舉爲各割糧當差該租禮吏比徵租銀付庫

收貯不容乾沒不容拖欠後莊斯土者同有科舉生
員算查以杜侵欺用垂永久是後也拮据二年而後
底績既奉批允諸生請勒石以垂永久

置田屋糧共肆石叁斗捌升捌合

今將查出清江橋銀買田收租畝數目于後

一早田貳石計壹號坐南山下交租肆石鄉佃人何
漢十九

一晚田陸石計拾捌號坐裏陳源交租拾貳石佃人
鄒付三

一晚田壹石計壹號坐磨下源交租貳石佃人何成
但

一晚田貳石計叁號坐蘇源交租肆石佃人李泰

一晚田伍石伍斗計 號坐陳源化源交租拾壹石

佃人劉盛

一晚田玖石計叁號坐桐坑交租壹拾捌石佃人何

一晚田貳石伍斗坐化源交租伍石鄉佃人何嫌

一房屋壹間何培五交租貳石鄉

金華縣志

卷一

文廟

十三

一晚田陸石計柒號坐裏陳源東坑交租壹拾貳石
佃人何啟四

一早田叁石計壹號坐湖馬飲泉交租陸石佃人何

淑

一晚田貳石計壹號坐旗山下交租肆石佃人何舜一

一晚田伍石計拾貳號坐蘓源交租拾石佃人何彩

四

一早田拾石計貳號坐清江交租貳拾石佃人何煥

四

一買三十九都駱應芳早田貳拾石坐駱家下手計九號交租銀叁兩個人駱先一

一房屋貳間何傑三九常年交屋租叁石

一房屋貳間何傑十一常年交房租貳石伍斗

一晚田壹石計叁號坐陳荒源交租貳石個人何四

壽

一晚田柒石計二號坐下坑交租壹拾肆石

一晚田貳石坐蘇源計叁號交租肆石個人何春

一早田捌石坐清江計貳號交租壹拾陸石個人劉

金谿縣志

卷一

文廟

十四

壽

一早田柒石坐桐坑計叁號交租壹拾肆石個人何

煥四

又查出厝加升拾產早田捌石坐二十三都富字嘴

交租壹拾肆石個人

一房屋壹間常年交屋租壹石肆斗賃主何振十六

一房屋壹間常年交屋租壹石伍斗賃主何朝十四

以上田屋俱坐三十都厚居等處

又查出東峯寺廢產田畝間後

一田伍秤坐水碓下常年交租壹拾伍石個人吳美

三

一田陸秤坐朱山嘴常年交租壹拾捌石個人陳彤

一

一田陸秤坐下社林常年交租壹拾捌石個人吳美

三

一田叁秤坐嘴山常年交租玖石個人何集廿七

一田柒秤坐塘下常年交租貳拾壹石個人吳美三

一田叁秤坐落園內常年交租玖石個人陳彤一

金谿縣志

卷一

文廟

十五

一田叁秤坐北于嘴常年交租玖石個人吳成一

一田叁秤坐北于嘴常年交租玖石個人何會四

一田壹秤坐楊貴門首常年交租叁石個人吳美三

一田陸秤坐井四路上常年交租壹拾捌石個人陳

彤一

一田陸秤坐楊家山常年交租壹拾捌石個人何總

百九

以上俱坐四十六都東峯寺等處

一田陸石坐二十三都張家塘計拾號常年交租銀